

UNIVERSITI MALAYSIA SARAWAK

Press Release *Kenyataan media*



11 April 2023

Chancellery Division
Universiti Malaysia Sarawak
94300 Kota Samarahan
Tel +60 82 51216
Fax +60 82 665088
Email: azadnurlisa@unimas.my

Program Kasih Insani 4, 2023 zahirkan keprihatinan UNIMAS terhadap kebajikan pelajar

Kota Samarahan, 11 April 2023 : Program Kasih Insani Edisi ke-4 pada tahun ini adalah anjuran Bahagian Endowmen dan Wakaf dengan Kerjasama Pusat Khidmat Pelajar. Program ini telah diadakan di Arena Gemilang, DeTAR Putra, UNIMAS pada hari ini.

Program Kasih Insani ini merupakan program tahunan yang dianjurkan oleh Bahagian Endowmen dan Wakaf sejak tahun 2019 yang bertujuan untuk menyantuni golongan asnaf dan individu yang memerlukan termasuk dalam kalangan pelajar, staf serta komuniti setempat.

Majlis ini turut dihadiri oleh Pengerusi Lembaga Pengarah Universiti, YBhg. Tan Sri Datuk Seri Panglima Sulong bin Matjeraie bersama-sama Naib Canselor UNIMAS, YBhg. Prof Datuk Dr Mohamad Kadim bin Suaidi.

Program Kasih Insani 4 ini telah menyaksikan serahan bantuan biasiswa dan sara diri, agihan hamper makanan dan rezeki “sungkey” 646 orang pelajar UNIMAS. Jumlah keseluruhan agihan sumbangan ini adalah sebanyak RM784,760.00.

Menurut Naib Canselor UNIMAS, YBhg. Prof Datuk Dr Mohamad Kadim bin Suaidi, UNIMAS menzahirkan setinggi-tinggi penghargaan terima kasih kepada penyumbang bersama iaitu Lembaga Tabung Haji, Bank Rakyat, Tabung Baitulmal Sarawak serta semua penderma budiman atas sumbangan yang bermakna ini dan keseluruhan rezeki Program Kasih Insani ini berjumlah RM784,760.00. Beliau juga menzahirkan rasa terima kasih kepada Bahagian Endowmen dan Wakaf dan Pusat Khidmat Pelajar di atas penganjuran yang signifikan ini.

Sumbangan ini mencerminkan komitmen UNIMAS sebagai sebuah universiti yang sentiasa cakna terhadap kebajikan pelajar, menyuburkan semangat kebersamaan dan berharap para pelajar dapat meraikan ketibaan hari Raya Aidil Fitri dengan gembira serta penuh kesyukuran.

Bahkan, program seumpama ini juga selain menunjukkan keprihatinan universiti, mampu mendedahkan para pelajar kepada aspek kemahiran Insaniah dan kepimpinan.

Semoga dengan penganjuran program kebaikan sebegini, pengetahuan serta pengalaman yang diberi terus dapat menjayakan matlamat UNIMAS sebagai universiti awam yang terus memacu komuniti sejagat.

Disediakan oleh;

Dayang Nurlisa binti Abang Zainal Abidin

Penyelaras Media Massa

UNIMAS Corporate

U N I M A S